



**PROGRAM**  
**SUFINANSIRANJA SAMOZAPOŠLJAVANJA I ZAPOŠLJAVANJA**  
**U OBLASTI POLJOPRIVREDE 2015**

*Sarajevo oktobra/listopada 2015. godine*

## **SADRŽAJ**

1.	Osnov za donošenje, izvor finansiranja i nosioci realizacije Programa .....	3
2.	Cilj Programa .....	3
3.	Ciljna grupa .....	3
4.	Poticajna mjera .....	4
5.	Priprema za realizaciju Programa .....	4
6.	Javni poziv .....	4
7.	Prijava na javni poziv .....	5
8.	Provjera podataka i potpisivanje ugovora sa korisnicima sredstava .....	5
9.	Pravdanje i isplata odobrenih sredstava .....	6
10.	Kontrola i praćenje izvršenja ugovornih obaveza .....	6
11.	Indikatori za nadgledanje/monitoring i ocjenu/evaluaciju uspješnosti efekata zapošljavanja .....	7
11.1	<i>Ulazni podaci</i> .....	7
11.2	<i>Aktivnosti</i> .....	7
11.3	<i>Izlazni podaci/rezultati i učinci</i> .....	7

## **1. Osnov za donošenje, izvor finansiranja i nosioci realizacije Programa**

U skladu sa Zakonom o posredovanju u zapošljavanju i socijalnoj sigurnosti nezaposlenih osoba („Službene novine Federacije BiH“, br. 41/01, 22/05 i 9/08), Strategijom jačanja funkcije posredovanja u javnim službama za zapošljavanje u Federaciji BiH, te ciljevima iz Programa rada Federalnog zavoda za zapošljavanje za 2015. godinu, Programa novčanih podrški u poljoprivredi i ruralnom razvoju, mjera „Sufinansiranje troškova penzionog i zdravstvenog osiguranja za registrovane poljoprivredne obrte“ Federalnog ministarstva poljoprivrede, vodoprivrede i šumarstva i Sporazuma o saradnji Federalnog ministarstva poljoprivrede, vodoprivrede i šumarstva i Federalnog zavoda za zapošljavanje sačinjen je Program sufinansiranja samozapošljavanja i zapošljavanja u oblasti poljoprivrede 2015 (u daljem tekstu: Program).

Za realizaciju Programa predviđena su sredstva u iznosu od 3.000.000,00 KM koje obezbjeđuju Federalni zavod za zapošljavanje (u daljem tekstu Zavod) - u iznosu od 1.500.000,00 KM i Federalno ministarstvo poljoprivrede, vodoprivrede i šumarstva (u daljem tekstu Ministarstvo) - u iznosu od 1.500.000,00 KM.

Realizacija Programa provodit će se zajedno sa kantonalnim službama za zapošljavanje (u daljem tekstu Služba).

(Izrazi u ovom dokumentu koji su napisani samo u jednom gramatičkom rodu odnose se podjednako na muški i ženski rod.)

## **2. Cilj Programa**

Omogućiti poticaj za osobe sa evidencije nezaposlenih u Federaciji BiH radi samozapošljavanja i zapošljavanja u novoregistrovanim i već postojećim poslovnim subjektima (obrtima) u oblasti poljoprivrede.

## **3. Ciljna grupa**

Ciljna grupa/korisnici sredstava su lica prijavljena na evidenciju nezaposlenih u Federaciji BiH, te u registar poljoprivrednih gazdinstava i registar klijenata, bez obzira na stepen obrazovanja i dob, a koja će po odobravanju sredstava registrovati i održati registrovanom poljoprivrednu djelatnost u trajanju od najmanje 36 mjeseci i/ili koje će se zaposliti u novoregistriranim ili već postojećim poljoprivrednim obrtima.

U Programu ne mogu učestvovati nezaposlene osobe koje su već koristila kreditna ili bespovratna sredstva iz poticajnih mjera Zavoda i/ili službi radi pokretanja djelatnosti i osobe kojim je naložen povrat ostvarene novčane podrške iz Programa Ministarstva.

U Programu ne mogu učestvovati nezaposlene osobe koje su odjavile poljoprivrednu djelatnost od 02.07.2015.godine.

U Programu ne mogu učestvovati poslodavci (već postojeći poljoprivredni obrti radi zapošljavanja nezaposlenih osoba) koji su koristili kreditna ili bespovratna sredstva iz poticajnih mjera Zavoda ili službi a nisu ispoštovali obaveze u skladu sa zaključenim ugovorima, odnosno nisu zaposlili predviđen broj radnika i ne vraćaju redovno dobivena sredstva.

#### **4. Poticajna mjera**

Zavod će iz zajedničkih sredstava osobama, kojima se odobre poticajna sredstva, nakon što registruju poljoprivrednu djelatnost i otpočnu sa radom mjesečno isplaćivati/refundirati poticajna sredstva:

- u visini od 100% iznosa obaveznih doprinosa za prvih 12 mjeseci (I godina),
- u visini od 50% iznosa obaveznih doprinosa u periodu od 13 do 24 mjeseca (II godina),
- u visini od 50% iznosa obaveznih doprinosa u periodu od 25 do 36 mjeseci (III godina),
- u visini od 75% iznosa obaveznih doprinosa u II i III godini u slučajevima gdje su aplikanti žene ili mlade osobe dobi do 35 godina.

U slučaju zapošljavanja nezaposlene osobe u novoregistriranim obrtima (najviše jedno lice po obrtu) mjesečno će se isplaćivati / refundirati i iznos obaveznih doprinosa na i iz plaće zaposlenih u trajanju od šest (6) mjeseci.

U slučaju zapošljavanja nezaposlene osobe u već postojećim poljoprivrednim obrtima (najviše jedno lice po obrtu) mjesečno će se isplaćivati / refundirati i iznos obaveznih doprinosa na i iz plaće zaposlenih u trajanju od dvanaest (12) mjeseci.

Pored toga fizičkim licima tj. novoregistriranim poljoprivrednim obrtima iz sredstava Zavoda sufinansirat će se i neophodni troškovi pokretanja djelatnosti (troškovi registracije, ljekarskog uvjerenja, taksa, opreme/sredstava za rad i sl.) u iznosu od 200 KM, a isplatit će se po izvršenom pravdanju utrošenih sredstava uz isplatu prvog dijela mjesečne refundacije.

#### **5. Priprema za realizaciju Programa**

U okviru pripremne faze Programa, Zavod/Ministarstvo:

- informiše javnost o Programu sedam dana prije objave Javnog poziva,
- izrađuje softversku aplikaciju za prijavu na Javni poziv,
- izrađuje softversku aplikaciju (bazu) za unos podataka,
- potpisuje sa službama Sporazum o međusobnoj saradnji o realizaciji Programa.

#### **6. Javni poziv**

Zavod/Ministarstvo objavljuje Javni poziv za učešće u Programu putem sredstava javnog informisanja i internet stranice: [www.fzzz.ba](http://www.fzzz.ba) i [www.fmpvs.gov.ba](http://www.fmpvs.gov.ba). Aplikacije će se obrađivati po redoslijedu prispjeća. Ukoliko aplikant odustane od realizacije svoje poslovne ideje prije potpisivanja ugovora o sufinansiranju samozapošljavanja ili ne dostavi potrebnu dokumentaciju u ostavljenom roku, sredstva će se odobriti sljedećem licu sa liste prijavljenih na Javni poziv ili će se produžiti trajanja Javnog poziva .

Javni poziv ostaje otvoren do utroška sredstava, tj. do potpisivanja ugovora u vrijednosti raspoloživih sredstava.

Osnovne informacije o postupcima, proceduri i aktivnostima iz Programa, nezaposlena lica dobivaju u Zavodu/Ministarstvu i Službi.

## **7. Prijava na javni poziv**

Fizičko lice se prijavljuje za učešće u Programu putem web stranice Zavoda [www.fzzz.ba](http://www.fzzz.ba), te u elektronski obrazac prijave unosi lične podatke i podatke o poslovnoj ideji koju namjerava realizovati, te eventualno podatke o osobama koje želi zaposliti.

Nakon izvršene prijave, a najkasnije u roku od 60 dana, fizičko lice dostavlja Službi isprintan i svojeručno potpisan **Obrazac prijave** uz koji obavezno dostavlja:

- ovjerenu kopiju rješenja o registraciji djelatnosti, čiji datum je nakon datuma apliciranja na Javni poziv (za novoregistrovane)
- kopiju identifikacionog broja,
- podatak o osnovici za obračun obaveznih doprinosa u skladu sa zakonskim propisima
- kopiju prijave na obavezna osiguranja u Poreznoj upravi Federacije BiH (Obrazac JS 3100 )
- ovjerenu kopiju ugovora o radu i kopiju prijave na obavezna osiguranja u Poreznoj upravi Federacije BiH (Obrazac JS 3100 ) za lica koja eventualno zapošljava ili s kojima registruje djelatnost,
- broj računa u poslovnoj banci na koji će se sredstva doznačiti
- potvrda o upisu obrta u registar poljoprivrednih gazdinstava i registar klijenata.

Poslodavac – poljoprivredni obrt registriran prije javnog poziva se može prijaviti za učešće u Programu, također, putem web stranice Zavoda [www.fzzz.ba](http://www.fzzz.ba), i to za sufinansiranje zapošljavanja jedne nezaposlene osobe, te u prijavi unosi svoje podatke i podatke o osobi koju namjerava zaposliti (kanton prebivališta osobe, mjesto rada, i dr.)

## **8. Provjera podataka i potpisivanje ugovora sa korisnicima sredstava**

Zavod spisak prijavljenih dostavlja Ministarstvu radi provjere da li je fizičko lice registrovano u Registru poljoprivrednih gazdinstava.

Po prijemu povratne informacije iz Ministarstva, Zavod ažuriran spisak prijavljenih dostavlja Službi koja provjerava podatke iz prijave (radi utvrđivanja statusa nezaposlenosti, ranijeg učešća u projektima zapošljavanja, odnosno samozapošljavanja i sl.) i dostavljenu dokumentaciju, te nakon što utvrdi validnost iste, u skladu sa raspoloživim finansijskim sredstvima, priprema Ugovor o sufinansiranju samozapošljavanja u četiri (4) primjerka koje nepotpisane dostavlja aplikantu uz napomenu da iste potpisane i ovjerene vrati Službi.

Nakon toga, Služba potpisuje i ovjerava primjerke Ugovora i dostavlja Zavodu koji, također, potpisuje i ovjerava primjerke Ugovora. Zavod zadržava dva (2) primjerka, od čega jedan za Ministarstvo, a dva (2) primjerka Ugovora vraća Službi, od kojih se jedan (1) primjerak prosljeđuje korisniku.

## **9. Pravdanje i isplata odobrenih sredstava**

Zavod će, nakon zaključivanja Ugovora o sufinansiranju samozapošljavanja, a na osnovu dostavljenog Izvještaja Službe o ispunjavanju uslova za isplatu, aplikantu/ima mjesečno u narednih 36 mjeseci refundirati na račun registrovane djelatnosti odobreni iznos sufinansiranja, i to:

- iznos obaveznih doprinosa, po dostavljanju Specifikacije uz uplatu doprinosa poduzetnika ovjerene u Poreskoj upravi (Obrazac 2002) prvih 12 mjeseci i to u visini od 100%, od 13. do 36. mjeseca u visini od 50% a u slučaju da je aplikant žena ili mlada osoba dobi do 35 godina u visini od 75%.

U slučaju zapošljavanja nezaposlene osobe kod novoregistrovanih obrta, nakon zaključivanja Ugovora o sufinansiranju samozapošljavanja, a na osnovu dostavljenog Izvještaja Službe o ispunjavanju uslova za isplatu, Zavod će isplaćivati/ refundirati iznos obaveznih doprinosa na i iz plaće zaposlenih, u skladu sa Zakonom o doprinosima i to u trajanju od šest (6) mjeseci, a sve po dostavljanju Specifikacije uz isplatu plaća zaposlenika u radnom odnosu kod pravnih i fizičkih lica (Obrazac 2001) ovjerene u Poreskoj upravi FBiH, ovjerene i potpisane platne liste lica koje se sufinansira, uplatnice za pojedinačne isplate plaća, a u slučaju zbirne uplate plaća, kopije izvoda banke iz kojih je vidljiva isplata pojedinačne plaće za sufinansiranu osobu.

U slučaju zapošljavanja nezaposlene osobe kod već postojećih poljoprivrednih obrta, nakon zaključivanja Ugovora o sufinansiranju zapošljavanja, a na osnovu dostavljenog Izvještaja Službe o ispunjavanju uslova za isplatu, Zavod će isplaćivati/ refundirati iznos obaveznih doprinosa na i iz plaće zaposlenih, u skladu sa Zakonom o doprinosima i to u trajanju od dvanaest (12) mjeseci, a sve po dostavljanju Specifikacije uz isplatu plaća zaposlenika u radnom odnosu kod pravnih i fizičkih lica (Obrazac 2001) ovjerene u Poreskoj upravi FBiH, ovjerene i potpisane platne liste lica koje se sufinansira, uplatnice za pojedinačne isplate plaća, a u slučaju zbirne uplate plaća, kopije izvoda banke iz kojih je vidljiva isplata pojedinačne plaće za sufinansiranu osobu.

Uz isplatu/refundaciju prvog dijela ugovorene obaveze, a po izvršenom pravdanju utrošenih sredstava, novoregistrovanim poljoprivrednim obrtima isplatit će se i iznos od 200 KM, na ime neophodnih troškova pokretanja djelatnosti.

U slučaju raskida ugovora, radi efikasnosti i ekonomičnosti realizacije Programa, sve eventualne izmjene podataka, te obračun i refundaciju do tada opravdanog iznosa sredstava, ugovorne strane prihvataju bez posebnih aneksa ovom ugovoru, a uz validnu dokumentaciju koja opravdava te izmjene.

## **10. Kontrola i praćenje izvršenja ugovornih obaveza**

Zavod/Ministarstvo/Služba će u skladu sa preuzetim obavezama iz ovog Programa, svojim nadležnostima i drugim aktivnostima kontinuirano provoditi kontrolu realizacije ugovorenih obaveza, i to:

- *provjerom dokumentacije koju korisnik redovno dostavlja radi pravdanja odobrenih sredstava,*

- provjerom u bazi podataka Poreske uprave, kojom će se pratiti obaveza održavanja registrovane djelatnosti i zapošljavanja u predviđenom roku;
- Provjerom u registru poljoprivrednog gazdinstava i registru klijenata
- prema potrebi, kontrolom provođenja ugovorenih obaveza neposredno kod korisnika.

Ukoliko se utvrdi da se ugovorene obaveze ne ispunjavaju, Zavod će pokrenuti postupak raskida ugovora.

### **11. Indikatori za nadgledanje/monitoring i ocjenu/evaluaciju uspješnosti efekata zapošljavanja**

Utvrđeni su indikatori za nadgledanje/monitoring implementacije Programa i ostvarenoga učinka.

Zavod/Ministarstvo i službe će provoditi monitoring i evaluaciju Programa u domenu svojih nadležnosti.

#### **11.1 Ulazni podaci**

- Broj lica prijavljenih na evidenciju nezaposlenih, prema dobnoj, polnoj i obrazovnoj strukturi, zaključno sa 31.12.2014. godine
- Broj osoba čije je samozapošljavanje planirano/obuhvaćeno Programom
- Iznos planiranih sredstava po Programu
- Prosječan iznos planiranih sredstava po korisniku.

#### **11.2 Aktivnosti**

- Broj podnesenih/odobrenih/odbijenih aplikacija
- Broj lica prijavljenih na evidenciju nezaposlenih i u Registar poljoprivrednih gazdinstava, prema dobnoj, polnoj i obrazovnoj strukturi, koje se samozapošljavaju po Programu
- Broj lica koja pripadaju dugoročno nezaposlenoj kategoriji, prema dobnoj, spolnoj i obrazovnoj strukturi
- Broj lica koja pripadaju kategoriji mladih, prema spolnoj i obrazovnoj strukturi
- Broj lica koja pripadaju drugoj teže zapošljivoj kategoriji, prema dobnoj, polnoj i obrazovnoj strukturi
- Iznos odobrenih sredstava po toj mjeri

#### **11.3 Izlazni podaci/rezultati i učinci**

- Iznos odobrenih sredstava/broj zaključenih ugovora/ispoštovanih obaveza po ugovoru
- Broj lica koja su zadržala djelatnost do kraja ugovorenog perioda sufinansiranja
- Broj lica koja su zadržala djelatnost šest/dvanaest mjeseci nakon isteka ugovorenog perioda sufinansiranja
- Spolna, dobna, obrazovna struktura lica koja su zadržala djelatnost
- Prosječan period nezaposlenosti lica koja su zadržala djelatnost

- Broj lica koja su u okviru registrovane poljoprivredne djelatnosti zapošljavali i druga lica
- Broj lica koja su se zaposlili u okviru novootvorenih poljoprivrednih djelatnosti
- Broj lica koja su se zaposlila u okviru novootvorenih poljoprivrednih djelatnosti i ostali u radnom odnosu nakon isteka ugovorenog perioda sufinansiranja
- Spolna, dobna, obrazovna struktura lica koja su se zaposlila u okviru novootvorenih djelatnosti
- Prosječan period nezaposlenosti lica koja su se zaposlili u okviru novootvorenih poljoprivrednih djelatnosti
- Prosječan iznos ugovorenih sredstava po korisniku
- Struktura/oblast/kategorija novootvorenih poljoprivrednih djelatnosti.